

घर में रागी घर में वैरागी,  
घर घर गावन वाला ओ,  
कलयुग री आ छाया पड़ी है  
कुन नुगरोने वर्जन वाला ओ जी ॥

गुरु मुख ग्यानी जगत में थोड़ा,  
मन मुख मुंड कियोड़ा रे,  
ग्यान गत री मत नही जाने,  
ऐ लंबे बालों वाला ओ जी,  
घर में रागी घर में वैरागि,  
घर घर गावन वाला ओ ॥

बाल राख ने मोड़ा चाले,  
अरे पंच केश नही ध्याता है,  
पांच तत्व री सार नही जाने,  
नित निम् न्हावन वाला है ओ जी,  
घर में रागी घर में वैरागि,  
घर घर गावन वाला ओ ॥

नावे धोवे तिलक लगावे,  
अरे मंदिर जावन वाला ओ,  
निज मन्दिर री खबर नही जाने,  
गले जनोइरी माला है ओ जी,  
घर में रागी घर में वैरागि,

घर घर गावन वाला ओ ॥

अरे वेश पेर भगवान् रिजावे,  
घरे जोगियो रा वाना ओ,  
नेती धोती री सार नही जाने,  
पर बैठा पुरुष दीवाना है ओ जी  
घर में रागी घर में वैरागि,  
घर घर गावन वाला ओ ॥

भुरनाथ अडवन्का जोगी,  
सिद का जल वसवाला है,  
गुरु कानजी सिमरत मिलिया,  
अब फेरुस थोरी माला है ओ जी,  
घर में रागी घर में वैरागि,  
घर घर गावन वाला ओ ॥

घर में रागी घर में वैरागी,  
घर घर गावन वाला ओ,  
कलयुग री आ छाया पड़ी है  
कुन नुगरोने वर्जन वाला ओ जी ॥

स्वर प्रकाश माली जी ।  
प्रेषक श्रवण सिंह राजपुरोहित ।  
+91 90965 58244



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>